

Rheoliadau drafft a osodwyd gerbron Cynulliad Cenedlaethol Cymru o dan adran 196(6) o Ddeddf Gwasanaethau Cymdeithasol a Llesiant (Cymru) 2014, i'w cymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2017 Rhif (Cy.)

**GOFAL CYMDEITHASOL,
CYMRU**

**PLANT A PHOBL IFANC,
CYMRU**

**Rheoliadau Plant (Llety Diogel)
(Cymru) (Diwygio) 2017**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn gwneud nifer o ddiwygiadau i Reoliadau Plant (Llety Diogel) (Cymru) 2015 ("y Rheoliadau Llety Diogel").

Effaith diwygio'r diffiniad o "llety diogel" yn rheoliad 1 o'r Rheoliadau Llety Diogel i gynnwys llety diogel yn yr Alban yw, os bydd awdurdod lleol yng Nghymru yn lleoli plentyn mewn llety diogel yn yr Alban, y bydd yn ddarostyngedig i'r un mesurau diogelwch sy'n gymwys i leoliadau yng Nghymru a Lloegr. Mae'r diwygiadau hyn yn ganlyniadol ar y diwygiadau a wneir i adran 25 o Ddeddf Plant 1989 gan adran 10 o Ddeddf Plant a Gwaith Cymdeithasol 2017 a pharagraffau 1 i 3 o Atodlen 1 iddi.

Gwneir diwygiadau i reoliadau 6, 7 ac 8 o'r Rheoliadau Llety Diogel o ganlyniad i'r newid i'r diffiniad yn rheoliad 1.

Mae'r diwygiadau i reoliadau 2, 9 a 15 yn ddiwygiadau sy'n egluro sut y mae'r Rheoliadau Llety Diogel yn gymwys mewn achosion o leoliadau trawsffiniol, pa un a ydynt yn lleoliadau gan awdurdod lleol yng Nghymru i lety diogel yn Lloegr neu gan awdurdod lleol yn Lloegr i lety diogel yng Nghymru.

Mae'r diwygiad i reoliad 4 yn egluro bod y cyfyngiad a osodir ar y personau sy'n gallu gwneud cais am orchymyn llety diogel ar gyfer plentyn sy'n cael ei letya mewn cartref gofal neu ysbyty annibynnol yw'r person sy'n darparu'r llety.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.

Rheoliadau drafft a osodwyd gerbron Cynulliad Cenedlaethol Cymru o dan adran 196(6) o Ddeddf Gwasanaethau Cymdeithasol a Llesiant (Cymru) 2014, i'w cymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2017 Rhif (Cy.)

**GOFAL CYMDEITHASOL,
CYMRU**

**PLANT A PHOBL IFANC,
CYMRU**

**Rheoliadau Plant (Llety Diogel)
(Cymru) (Diwygio) 2017**

Gwnaed ***

Yn dod i rym ***

Mae Gweinidogion Cymru, drwy arfer y pwerau a roddir gan adrannau 22(8)(b) a 118(7) o Ddeddf Safonau Gofal 2000(1) ac adrannau 87, 119(2) a (7) a 196(2) o Ddeddf Gwasanaethau Cymdeithasol a Llesiant (Cymru) 2014(2), yn gwneud y Rheoliadau a ganlyn.

Yn unol ag adran 196(6) o Ddeddf Gwasanaethau Cymdeithasol a Llesiant (Cymru) 2014, gosodwyd drafft o'r offeryn hwn gerbron Cynulliad Cenedlaethol Cymru ac fe'i cymeradwywyd ganddo drwy benderfyniad.

Enwi, cymhwyso, dehongli a chychwyn

1.—(1) Enw'r Rheoliadau hyn yw Rheoliadau Plant (Llety Diogel) (Cymru) (Diwygio) 2017.

(1) 2000 p. 14.
(2) 2014 dccc 4.

- (2) Mae'r Rheoliadau hyn yn gymwys o ran Cymru.
- (3) Yn y Rheoliadau hyn—
- ystyr “y Rheoliadau Llety Diogel” yw Rheoliadau Plant (Llety Diogel) (Cymru) 2015(1).
- (4) Daw'r Rheoliadau hyn i rym ar XXXXX.

Diwygiadau i'r Rheoliadau Llety Diogel

2.—(1) Mae'r Rheoliadau Llety Diogel wedi eu diwygio yn unol â'r paragraffau a ganlyn o'r rheoliad hwn.

(2) Ym mharagraff (4) o reoliad 1 (enwi, cychwyn, cymhwyso a dehongli), yn lle'r diffiniad o “llety diogel” rhodder—

“ystyr “llety diogel” (“*secure accommodation*”), oni nodir i'r gwrthwyneb, yw llety—

- (a) (i) a ddarperir at ddiben cyfyngu ar ryddid plant y mae'r meini prawf ym mharagraffau (a) neu (b) o adran 119(1) o'r Ddeddf yn gymwys iddynt, a
- (ii) sydd naill ai yng Nghymru neu yn Lloegr; neu
- (b) a ddarperir gan wasanaeth llety diogel yn yr Alban fel y diffinnir “*secure accommodation service*” ym mharagraff 6 o Atodlen 12 i Ddeddf Diwygio Gwasanaethau Cyhoeddus (Yr Alban) 2010(2).

(3) Yn rheoliad 2 (cyfnod hwyaf mewn llety diogel heb awdurdodiad llys), ym mharagraff (3), ar ôl “llety diogel”, yn y lle cyntaf y mae'n ymddangos, ychwaneger “yng Nghymru”.

(4) Yn rheoliad 4 (ceisiadau i'r llys), yn lle paragraff (2) rhodder—

“(2) Ond pan fo rheoliad 16(1)(a) o'r Rheoliadau hyn yn gymwys i addasu adran 119 o'r Ddeddf gan wneud yr adran honno yn gymwys mewn perthynas â phlant, ac eithrio rhai sy'n derbyn gofal gan awdurdod lleol, y mae llety yn cael ei ddarparu iddynt neu'n cael ei drefnu ar eu cyfer gan Fwrdd Iechyd Lleol, Ymddiriedolaeth Gwasanaeth Iechyd Gwladol

(1) O.S. 2015/1988 (Cy. 298).

(2) Mae paragraff 6 o Atodlen 12 i Ddeddf Diwygio Gwasanaethau Cyhoeddus (Yr Alban) 2010 (dsa 8) yn diffinio “*secure accommodation service*” fel gwasanaeth sydd (a) yn darparu llety at ddiben cyfyngu ar ryddid plant mewn mangreodd preswyl lle y darperir gwasanaethau gofal; a (b) wedi ei gymeradwyo gan Weinidogion yr Alban at y diben hwnnw.

neu awdurdod lleol wrth arfer swyddogaethau addysg, yna ni chaniateir ceisiadau i lys ond gan y Bwrdd Iechyd Lleol neu'r Ymddiriedolaeth Gwasanaeth Iechyd Gwladol sy'n darparu neu'n trefnu'r llety, neu gan yr awdurdod lleol sy'n trefnu'r llety.

(3) Pan fo rheoliad 16(1)(b) o'r Rheoliadau hyn yn gymwys i addasu adran 119 o'r Ddeddf gan wneud yr adran honno yn gymwys mewn perthynas â phlant, ac eithrio rhai sy'n derbyn gofal gan awdurdod lleol, y mae llety yn cael ei ddarparu iddynt mewn ysbyty annibynnol neu gartref gofal, yna ni chaniateir ceisiadau i lys ond gan yr ysbyty annibynnol neu'r cartref gofal sy'n darparu'r llety."

(5) Yn rheoliad 6 (cyfnodau hwyaf awdurdodiad gan y llys)—

(a) ym mharagraff (1)—

(i) ar ôl y geiriau "baragraff (2)" ychwaneger "o'r rheoliad hwn ac yn rheoliad 7";

(ii) ar ôl "llety diogel" ychwaneger "yng Nghymru"; a

(b) ym mharagraff (2) ar ôl "llety diogel" ychwaneger "yng Nghymru".

(6) Ym mharagraff (1) o reoliad 7 (cyfnod hwyaf awdurdodiad ar gyfer plant sydd ar remând), ar ôl "llety diogel" ychwaneger "yng Nghymru".

(7) Yn lle rheoliad 8 (lleoliad mewn cartref plant sydd wedi ei gofrestru), rhodder—

"8. Ni chaiff awdurdod lleol leoli plentyn sy'n derbyn gofal mewn llety diogel ac eithrio—

(a) mewn cartref sydd wedi ei gofrestru fel cartref plant sy'n darparu llety at ddiben cyfyngu ar ryddid, neu

(b) mewn llety diogel a ddarperir gan wasanaeth llety diogel yn yr Alban."

(8) Yn rheoliad 9 (dyletswydd i roi gwybodaeth am leoliad mewn llety diogel)—

(a) ym mharagraff (1), ar ôl "awdurdod lleol", yn yr ail le y mae'n ymddangos, ychwaneger "neu'r awdurdod lleol yn Lloegr", a

(b) ym mharagraff (2), ar ôl "awdurdod lleol" ychwaneger "neu'r awdurdod lleol yn Lloegr".

(9) Ym mharagraff (1) o reoliad 15 (plant dan gadwad y mae adran 119 yn gymwys iddynt gydag addasiadau: plant dan gadwad o dan Ddeddf yr Heddlu a Thystiolaeth Droseddol 1984), ar ôl "awdurdod lleol" ychwaneger "neu awdurdod lleol yn Lloegr".

Rebecca Evans

Gweinidog Iechyd y Cyhoedd a Gwasanaethau
Cymdeithasol, o dan awdurdod Ysgrifennydd y
Cabinet dros Gymunedau a Phlant, un o Weinidogion
Cymru

Dyddiad